

Baibulo ya ana
Ikupasilani

Yesu Asankha
Othandizira Khumi
ndi Awiri



Yolembedwa ndi: Edward Hughes

Yojambulidwa ndi: Byron Unger; Lazarus
Alastair Paterson

Yotengedwa ndi: E. Frischbutter; Sarah S.

Yotanthauzilidwa ndi: Tapiwa Maraira

Yo pangidwa ndi: Bible for Children
www.M1914.org

©2022 Bible for Children, Inc.

Chilolezo: Muli ndi ufulu wotenga ndi kuchurukitsa
makopewa koma osagulitsa.



Yesu anachita zinthu zodabwitsa. Iye anachiritsa matenda, anapatsa anthu ovutika mtendere m'mitima ndi m'maganizo mwawo, ndipo anaphunzitsa Mawu a Mulungu.



Khamu la anthu linabwera kwa Yesu kuti awathandize
ndi kuwachiritsa. Anaganiza zosankha amuna khumi
ndi awiri mwa otsatira ake ambiri, kuti
amuthandize pa ntchito yake ya kwa
Mulungu.





Ngati muli ndi
zosankha zofunika
kwambiri, kodi
mumapemphera kwa
Mulungu? Yesu
anatero! M'malo a
mapiri abata
analankhula kwa Atate
Ake a Kumwamba.
Yesu anapemphera
mpaka dzuŵa litaloŵa.




Yesu
anapemphera
usiku wonse
wandimawo.




M'maŵa mwake, Yesu anaitana otsatira ake - abwenzi
amene anatumikira ndi kumvera Iye. Mwa iwo
anasankha khumi ndi awiri kuti akhale
athandizi apadera, kapena
atumwi.



Awiri oyambirira amene Yesu anasankha anali abale,
Simoni Petro ndi Andireya. Iwo anali atasiya
ntchito yawo yopha nsomba pamene Yesu anawaitana
koyamba kuti amutsatire.



Yakobo ndi Yohane, ana a
Zebedayo, nawonso anasiya
maukonde awo ophera
nsomba.




Yesu anasankhanso Filipo, Bartolomeyo, Mateyu,
Tomasi, Simoni Mzelote, Yakobo mwana wa Alifeyo,
Yudasi m'bale wake wa Yakobo
komanso Yudasi Isikariyoti
amene anadzakhala
mdani wa Yesu.



Yesu anaphunzitsa kuti
kuchita zimene amanena
kuli ngati kumanga nyumba
pa maziko olimba.
Mkuntho woopsa
sudzawononga
nyumbayo.



Koma kusamvera Mawu a Yesu kuli ngati kumanga
nyumba pa maziko amchenga. Mphepo ikabwera,
nyumbayo imagwa.



Malamulo ena a Yesu anali ovuta. "Ngati munthu amenya patsaya lako lamanja, perekanso lako lamanzere," Iye anaphunzitsa. "Kondani adani anu." Anthu amafunika kuthandizidwa ndi Mulungu kuti akhale ngati Yesu.



Yesu anauzanso anthu kuti
azipemphera mobisa - kuti
asadzionetsere pamaso pa
anthu ngati mmene
atsogoleri ena
achipembedzo
ankachitira.



Yesu ananena kuti Mulungu
adzadyetsa ndi kuvala anthu
amene amamukhulupirira.
Popeza kuti Mulungu amapereka
chakudya ku mbalame ndi mitundu
yokongola ya maluwa ndi zitsamba,
anthu ake angam'dalire pa
zosoŵa zawo zonse.




Yesu anaphunzitsa
om'thandiza amene
anasankhidwa chatsopano
zinthu zambiri tsiku
limenelo. Atamaliza,
munthu wakhate anadza,
napempha Yesu kuti
amuchiritse.



Yesu anayankha wakhateyo, "Ndikufuna. Khala woyera." Pamene athandiziwo anali kuyang'anila, wakhateyo anachira. Iye anachiritsidwa! Mwana

wa Mulungu yekha ndi amene akanatha kuchita zimenezo. Othandizirawo ankadziwa kuti ali ndi Mbuye wabwino kwambiri.



Yesu Asankha Othandizira Khumi ndi Awiri

Nthano yochokera mu mau a Mulungu,
Baibulo,

opezeka mu

Mateyu 4-7, Marko 1, Luka 6

"Polowela pa mau anu pamapasa kuwala."
Masalimo 119:130



Mapeto



Nthano iyi yamBaibulo imakamba za ubwino wa Mulungu yemwe anatipanga ndipo akufuna kuti mumdziwe iye.

Mulungu amadziwa kuti tima chita zoipa, zimene zimachedwa chimo. Chilango cha uchimo ndi infa, koma Mulungu anatikonda kwambiri ndipo anatuma mwana wake yekha, Yesu, kuzatifela pamtanda ndi kunzuzika chifukwa cha machimo anu. Ndipo anaukansa kwa akufa na pita kumwamba! Ngati ukukhulupirira Yesu mupempheni akukhululukileni machimo anu, azakukhululukirani! Adzabwera kukhala nanu, ndipo muzakhala naye kunthawi zonse.

Ngati mukukhulupirira kuti izi ndizoona, nenani ichi kwa Mulungu: Ambuye Yesu, ndikhulupirira ndinu mwana wa Mulungu, ndipo munakhala munthu kundifera ine machimo yanga, ndipo mulinso ndi moyo. Chonde, lowani mumtima mwanga ndikundi khululukira machimo anga, kuti ndikhale ndi moyo watsopano, ndipo tsiku lina ndikakhale ndiinu muyaya. Ndithandizeni kukumverani ndi kukhala mwa inu ngati mwana wanu. Amen.

Welenga Baibulo ndi kuyankula ndi Mulungu matsiku onse!
Johane 3:16

